



www.khiv.ru/pressa

АКУ ХЯД

Светлая звезда

Хив райондин ज्याмаьтдинна сиясатдин газет

№ 1 (5611)

1-ни январь, 2020-ни йис

Газет гьяфтайгь сабан удубчйура

Кьимат 3 манатна 68 кепек



Райондин
администрацияйиь

Райадминистрацияйин совещаниейин гьякьнаан мялумат

2019-пи йисан 30-пи декабрь райадминистрацияйин конференц-залиь райадминистрацияйин нубатнан совещание гьябхьну. Дидин ляхниь райадминистрацияйин гьуллугьчири, райцентрийин али идарийрин руководители иштирак гьапну.

Совещание «Хивский район» МО-ийн администрацияйин глава Ярмет Ярметовди ачмиш гьапну ва кьулира гьубхну.

Чан улхбарин эвелиь Ярмет Алиметовичди 2018-пи йисан ихь районди кьули гьуху жюрбежюр ляхнарин натижийриан РД-ийн дагьдин канчларикк кьайи райондин арайиь Хив районди шубуби ийш гьазанмиш апбан ихь районди саб миллионна шубуд агьзур манатдин Грант тувуваликан, 28-пи декабрь Махачкалаийь РД-ийн Глава Владимир Васильев Дагьстандин райондин гьавийрихьди ва старейшинарин Советарин вакиларихьди гьорюшмиш гьаьхиваликан, душ ин гьял гьапну месэлийрикан, ихь районди налогар уч апбан 2019-пи йисандин планар 105 процентдин тамам гьаьлуваликан ктитну ва совещаниейин иштиракчийриз, гьаьцира райондин вари агьалийриз улубкьурайиь Цийи Ис мубарак гьапну.

Райадминистрацияйин главайин заместитель Агамирзе Гамзабековди райондин бюджетдиз НДФЛ гьубан цийин йисандин план декабрин аьхирариз 105 процентдин тамам дапнайиваликан, багарихьди 700 агьзур манатдин акцизар, налогарин дару доходарин 120 агьзур манатра хьуркьруваликан, инвестиционный программийрин Захтарин гьулаь диврайиь мектебдиз саки 14 миллион манат харж дапнайиваликан, «Хоредж-Хив» водоводдиз улупнайи пулин 25 процент харж дапнайиваликан, шид зигбан ляхнар саки 98 процентдин ттамам дапнайиваликан хабар тувну.

Райадминистрацияйин главайин заместитель Мирзабек Багичевди Цийи Ис улубкьайиз ва машкварин ийгари райондин

идарийриь, объектарыин лазим кьайда, хатласузвал уьбхбан бадали дежурство тешил апбан бадали кьабул алурайиь серенжемарикан ктитну.

РОО-ийн начальник Назарали Тарлановди райондин мектебариз шубуб автобус тувнайиваликан, чпи образовательный учрежденирин руководителирхьди, мялимарин аттестация гьабхбаз тьялукь вуйи, совещание гьабхруваликан, Цийи Захтарин гьулаь диврайиь мектебдин кьули гьахурайиь ляхнарик хабар тувну.

Культураийин, спортдин, молодежний политикайин ва туризмийн отделин начальник Казбек Казиевди 2020-пи йисан чпиз субсидийр талаб алури, 27-пи декабрь учв РД-ийн культураийн министерствоийн гьушуваликан, чпиз 2020-пи йисан исихь хьайи программийриь иштирак алуз ккундайиваликан гьапну:

1. Муниципальный учреждениийн варитланна ужур работник.

2. Гьуларин поселенирин аьтрафариниьн культураийн маканарин тереф уьбхю.

3. Интернетдихь хьипуб.

4. Материально-технический база мягкам алуз

ЖКХ-ийн, архитектураийн ва тикилишчиалин отделин начальниь Гаджибала Ибрагимовди «Формирование комфортной городской среды» кьуру проект райондиь уьмриз кечирмиш апбан ляхнарикан ктитну.

ЦРБ-ийн кьулин духтир Агамагомед Нурмагомедовди НДФЛ-ийн план чпхьан тамам алуз дубхьну адруваликан, Цийи Исандин машкварихьди аьлакьвалу вуди чпихь медперсоналин дежурство тешил дапнайиваликан гьапну.

Совещаниейин гьял гьапну месэлийриан Ярмет Алиметовичди чан фикрар гьапну, кьул инди руководителирз кьатги табурургьар тувну.

Пресс-центр.

Антитеррористический комиссияйин заседание

25-пи декабрь райадминистрацияйин конференц-залиь антитеррористический комиссияйин (АТК-ийн) заседание гьабхьну. Дидин ляхниь му комиссияйин членари, райондин идарийрин ва тешилатарин руководители иштирак гьапну.

Заседание райондин АТК-ийн председатель – «Хивский район» МО-ийн администрацияйин глава Ярмет Ярметовди ачмиш гьапну ва кьулира гьубхну. Заседаниейин ийгьандин повесткаийк исихь хьайи месэлийр кайи:

1. Цийи йисандин ва Рождественский машквариз гьязур шулайи ва дурар кьули гьахурайиь ийгьари образованиийн, культураийн объектарыин, гизаф инсанар уч шу йишварин пожарный хатласузвал, ज्याмаьтлугь хатласузвал, лазим кьайда, террористарин гьаракатарихьан уьрхбан улбчмийрикан.

2. РФ-ийь терроризмийн идеологияйиз аькси ляхин гьабхбан комп-

лексный планин серенжемар уьмриз кечирмиш алуз: «Хивский район» МО-ийн АТК-ийн багаьх терроризмийн идеологияйихьди аькси ляхин гьабхбан бадали гьаммишан ляхник кайи группийрин ляхникан.

3. РД-ийь айи НАК-дин, АТК-ийн ва «Хивский район» МО-ийь ляхник кайи АТК-ийн кьарарар тамам алурайиь гьялнанкан.

Сабги месэлаийан Россияйин Федерацияйин МВД-ийн Хив райондин отделин УУП-дин ва ПДН-дин отделин начальниь Гаджикурбан Юсуфовди доклад гьапну.

Кьюби ва шубубиь месэлийриан райадминистрацияйин главайин заместитель – АТК-ийн секретарь Мирзабек Багичевди докладар гьапну.

Заседаниейин гьял гьапну месэлийрин зин Ярмет Ярметовди ва райондин прокурорин заместитель Ямудин Исмаилов гьулуху ва думу месэлийриз тьялукь вуйи хайлин теклифар тувну.

Пресс-центр.

Цийи Йисаз тьялукь вуйи мяракийр

Цийи йисаз тьялукь вуйи машквар уьхуьх гьар йисан шад гьяларийь кьайд алурайиь ву.

бый центрийн актовый залиь, елкара безетмиш дапну, райондин идарийрин, тешилатарин, карханайрин гьуллугьчирихьди ва райондин гизаф гьуларин уч духьнайи агьалийрихьдира кьули гьубхну.

Цийи Йисаз тьялукь вуйи мяракийин доклад гьапну райадминистрацияйин глава Ярмет Ярметовди чан улхбарийь 2019-пи йисан районди халкьдин мяшаратдин жюрбежюр циркларийь гьазанмиш гьапну хьуркьруваликан, медицинаийн, культураийн, экономикаийн, образованиийн циркларийь, социальный уьмрийь арайиз гьафи ууждар ди-тиш валарикан ва 2020-пи йисан улухь дийгьнайи месэлийрикан гьапну, ва райондин вари агьалийриз Цийи Ис мубарак апбахьди сабси, дурарихь мягкам сагьвал, ярхи уьмуьр, бахтар, мублагьвал, дюн яийи ислягьвал, мяслаьгьвал хуб кун гьапну.

Чан улхбарилан кьяляхь Ярмет Ярметовди 2019-пи йисан намуслува-лиинди зегмет гьизигуь бязи районнагьалийриз «Хивский район» МО-ийн администрацияйин терефнаан Гьорьмантан грамотийр ва кьиматлу пешкешар тувну.

Цийи Ис улубкьурайивализ тьялукь дапнайи мяракийин райондин культураийн маканарин гьуллугьчири тешил дапнайи концерт тувну.

Цийи Исаз тьялукь вуйи шадвал мяракийр райондин мектебарийра, бицидарин багьарийра, идарийрихьра кьули гьушну.

Р.Балабеков.



«Хивский район» МО-ийн администрацияйин глава Ярмет Ярметовди Цийи 2020-пи йисаз тьялукь вуйи машквариз гьязур хьупан ва думу тешикллувалиинди, шад гьяларийь кьули гьабхбан бадали 2019-пи йисан декабрьиь постановление аьдабгьийи. Думу постановлениеийн алди Цийи Исандин машквариз гьязур хьупан ва машквариз тьялукь вуйи серенжемар кьули гьабхбан план дюзмиш гьапну, гьаьцира жаваьдар коар тьяин гьапну.

Думу планин бинаийинди 28-пи декабрь райондин культурно-досуговый центрийн актовый залиь райондин образовательный учреждениийриь урурайидариз райондин главайин Цийи Исандин елка тешил гьапну ва урхбанна спортдин, общественный ляхнарийь активвал улупу школьничариз грамотийр ва кьиматлу пешкешар тувну. Мидланна гьайри Цийи Исаз тьялукь вуйи шадлугьгар 2019-пи йисан 30-пи декабрь райондин культурно-досуго-

ИНТЕРВЬЮ

Инанмиш вуза

Ктабху гьяфтайиъ центральный райондин больницайин (ЦРБ-ийн) клин духтрин вазифир вахтнинди тамам апурайири вуйи Агамагомед Нурмагомедович Нурмагомедов-вдихъди порюшмиш гьяхунза ва дугъди ктитувал ккун гьяпунза. Исихъ дугъан интервью чап апурача.

«ЦРБ-ийи гьамсыябна райондин агьалириш медицинан рьяк`ан гьуллугъ апбан бадали терапевтический, хирургический, детский, гинекологический, родильный, инфекционный, реанимационный отделений ляхник ка. Думу отделенийири вари сабишлан гьадагъиган 10 врачди ва 30 медсестрайи гьар ваэлин ляхнин графикадин бинайиин алди ляхин апура.

Больницайи ккаънайи иццурайидарихна лечащий врач гьар йиган гьюра, дурарин сагьламвал ахтармиш апура.

Больницайи ккаънайи иццурайидар лазим вуйи дармнархиди, хурагарихиди, манишнахиди гьамсыябна тяминди а. Хурагар диетический медсестрайи дюзмиш дапнайи менюйин бинайиинди гьязур апура, дежурный врачди хурагарин ери ахтармиш апбалан кьяляхъ, хурагар иццурайидариз йигъан шубур жаржи гьивра. Айи мумкинвалариз, пулин дакъатариз лигну, хурагар жорбежордар гьязур апура.

Хурагар гьязур апбан, иццурайидари ухбан бадали шид булагъдилан больницайин машинариъди хура, хъа технический шид вари отделенийири ва мертебийири а. Палатийири ужуь марцишин уьхюра, ту-

летарийи шид а. Райондин поликлиникайиъра 22 врачди ва саки 30 медсестрайи ляхин апура. Мушваръа пациентарин сагьламвал ахтармиш апура, диагнозар дивра, лазимвал айидар больницайи кауъ гьавра.

ЦРБ-ийн духтрарин саб десте гьар гьербе йигъан гьулариз гьагьюра ва агьалирин сагьламвал йишварин ахтармиш апура, дурариз теклифар тувра, лазимвал айи дюшошари иццурайидар райондин больницайи хура. Мидланна гьайри участковый врачар, медсестрийири хулариз гьагьюри, иццурайидариз гьуллугъ апура.

ЦРБ-ийи «Тяди юмекнан» юкьуб машин ляхник ка. Агьалири гьуларин дих гьапиган, духтрарра ади думу машинари иццурайидарихна гьагьюра ва иццурайидарин дерди-балайи лигура.

ЦРБ-ийи агьалириш намуслувалиинди гьуллугъ апурайидар гизаф а. Амма гьи узуз иллагъки ужуи зегьмет зигурайи, агьалирин терефнаан ахю гьюрмат гьазанмиш дапнайи акушер-гинеколог Наида Мирзахановайин, бицидарин врач Розалина Идаятовайин, невропатолог Полжаман Султановайин, травматолог Бейбала Мирзабалаевдин, медсестрийири вуйи Зубайдат Шабановайин, Нафиса Фаталиевайин, Анфиса Рамазановайин, Рубина Назаралиевайин, Фатимат Гайдаровайин, Басират Апризаевайин, Регина Ашурбековайин ччвурар ктухуз ккундазуз.

ЦРБ-ийн коллективди райондин агьалирин сагьламвал уьхбан бадали гележегидра зегьмет зигрувалиин инанмиш вуза».

-Интервью тувбаз чухсагьул, Агамагомед Нурмагомедович.

Р. Балабеков.

Туризмийиз тьялукъ вуйи форум

20-пи декабрь райондин культурно-досуговой центрдин актывый зальи уьмуми райондин «Жив-туристический» ччвур али форум клии гьубшу. Дина райондин гьуларин хайлин инсанар, райцентрийин али идарийрин, тешкилатарин руководителар ва

район» МО-ийн администрацияин глава Ярмет Ярметовди ихъ райондъ туризм артимиш апбан бадали айи мумкинваларикан китну ва райондиз туристар жалб апбан бадали клииз адагъну ккуни ляхнарикан кьатI иди китну.

Форумдин туристический



гьуллугъийири уч гьахьну.

Форум Хив райондиз клии гьубшу «Лучшие историко-туристические места» ччвур али конкурсдин натижийиз кьимат тувуз тьялукъ дапнайи вуйи.

Форум ачмиш апури гьулху «Хивский район» МО-ийн администрацияин культурайин, спортдин, жигьиларин политикайин ва туризмийн отделин начальник Казбек Казиевди Хив райондин тарихдикан, райондин инвестплощадкийирикан ва асас туристический маршруттарикан китну. Форумдин гьулху «Хивский

маршрутарикан китутариган видеороликкара хьипри гьахьну.

Форумдин аххирь конкурсдин натижийиз гьилигну ва саби йишв Ляхлаарин гьул`ан вуйи Камал Курбановди, кьюбпи йишв Фурдггарин гьул`ан вуйи Зейнудин Казиевди ва шубуби йишв Шуддудин гьул`ан вуйи Ислам Пировди гьазанмиш гьапну.

Призовой йишвар гьидисдариз грамотийири ва пулин пешкешар тувну.

Р. Балабеков.

Конкурсдин гьалибчи

Хиварин гьул`ан вуйи Ремиханова Перизат Шамсудиновна райцентрийин ерлешмиш дубьхнайи «Ромашка» ччвур али бицидарин багъди ужуи ляхин апурайи тербиячирикан сар ву. Йицлукъуд йисан Хиварин гьулан кьялан мектебдин ккертъбан классариъ баяр-шубарин мялимвал апбалан кьяляхъ, дугъу чан ляхин «Ромашка» ччвур али бицидарин багъди давам апура. Перизат Шамсудиновнайи вари чан удукъувалар бицидар тербияламиш апбаз сарф апура. Дугъу бицидарин багъди, райондиз ва республикайи клии гьахурайи жорбежор серенжемариъ, конкурсдиъ иштирак апури шулу.



Цци ДИРО-йи (Дагестанский институт развития образования) ва халкъдин образованийин ва илимдин работникарин профсоюздин республиканский организацияйи «Организованная образовательная деятельность в дошкольных учреждениях» клиу педагогический уstadвалин республиканский конкурс мялум гьапну.

Му конкурсдин районийи этап ихъ райондиз 26-пи сентябрилан 11-пи ноябрьизкан клии гьубшу. Му конкурсдиъ Перизат Шамсудиновнайи саби йиш гьазанмиш гьапну.

Конкурсдин республиканский этапди иштирак апбан бадали дугъан ляхникан материал Махачкалайи хьадапна.

Ахю шулайи наслиз жорбежор циркларин уждар аьгьувалар туврайи Перизат Шамсудиновнайи гележегдин ляхниъра имбубсан заан хьуркьувалар хьувал ккун апурача.

Б. Абукарова,

«Ромашка» ччвур али бицидарин багъдин заведиш.

Пенсияйин накопительный пайнакан аьгьувалар

Страховая, гьамсана накопительная паяр, гьарсар касдин чав ляхин апури айиш`ан, гьар ваэли гьадабгьурайи маважибдилан асилпу вуди туврайи страховой взносарилан арайиз гьюра. Взносарин кьадар - 22% шула. Думу кьадарнакан 16% - страховая пайназ гьаьбгьурайи, 6% - накопительная пайназ гьаьбгьурайи. 2014 - пи йисазкан, ухьуз ляхин тувнайи идарайиан кьюбиб паяризра взносар туври гьахьну. Ихъ гьюкуматди, 2014 - пи йисхан 2021 - пи йисра кади накопительный пайназ взносар тувуб дебккун. Вари 22% - страховой пайназ илдицну гьитну. Фици вушра, 2015 - пи йисан аьхиризкьан ихъ Ватангьилиризи ихтияр ади гьахьундар чпиз ккуни саягъ ктабгьуз: вари взносар страховой пайназ тувуз, ясана страховой пайназана накопительный пайназ тувуз. Гьамусдин вахтна ляхниъ ади взносар туври саби йигълан, 31 - пи декабризкан 5 йис улубкьнайидариз чпиз ккуни саягъ ктабгьуз ихтияр тувну. (гьаму вахт ярхи апура, фуну йисан ляхниъ айирин 31 - пи декабризкан 23 йис шула.)

Муганайиз страховоира накопительный пайра кадабгънайи агьалиризи, дибикIну пенсионный фонднан отделиз аьрза, накопительный пай ккундарчиз пуз шулу. Дурарин ляхнин туврайи вари - 22% страховой пайназ гьаьбгьура.

Россияйи, гьюкуматдин дару накопительный пайра дюзелмиш дубьхна. Думу гьюкуматдин дару пенсионный фондну арайиз дубьхнайи ву. Му саягънахъ, гьарсар касди дапIну йикърар, дурарин программийирикан чаз бегелмиш вуйиб кадабгъну, чан аьшкьнинди взносар тувру. Жуван аьшкъ вуш, гьюкуматдин дару пенсионный фондназ, 18 йис гьаьбшхьантинна взносар тувуз шулу.

Гьюкуматдин вуйи накопительная пенсия арайиз гьюра:

Ляхин апIрайи, 1967 - пи йисан бабкан гьаши ва гьадму йисханмина вуйи агьалиризи чпиз ляхин апурайи идарайиан, 2002 - пи йисхан 2013 - пи

йисазкан пенсионный фондназ туву взносарилан.

2014- 2021 - пи йисариз жьувъхан туврайи вари 22% страховой взносар, накопительный пайнандарра кади, пенсияйин страховой пайназ гьаьбгьюра.

1967 - пи йисланмина бицивалихъинди вуйидарилан гьайри,

1953 - 1966 - пи йисари бабкан гьаши жилари ва гьамсана, 1957 - 1966 - пи йисари гьаши дишагьлийири пенсияйин накопительный пайназ вуйи накопенийири, 2002 - 2004 - пи йисарихъан арайиз гьюра.

Гьази вуйиган, узу зиихъ кудухнайи вахтарин жиларра, дишагьлийири накопительный пайнак кахъра.

Гьаму вахтари гьварч гьаши пенсияйин накопенийири, вахт дубьхну пенсияйиз удучIган тувру. КIваълан магъаанайи, учв кIваълан гьушиш, гьадму пул туврударинра кIваълан гьаьбгьюз мумкин ву.

КIваин хураза: - софинансирование кIуру программийи кучIву агьалири, яни вари страховой взносарилан гьайри, пенсионный фонднан жуван накопительный пайназ аьшкьнинди гьар ваэли хьанара маважибдикан флану кьадар пул бисуз гьитбу;

- шли материнский капитал илдицнуш накопительный пайназ;

- жуван гьюзимбу пенсия дюзмиш апIбан бадали, аьшкьнинди, гьюкуматдин гуж дарди пенсионный фондназ пул туврайидар.

Гьаму узу ктухдарин взносар, имбударинси дарди 2014 - 2021 - пи йисарира накопительный пайназ гьаьбгьюра.

Мурарин взносар кьюбиб паяризра гьаьбгьюра. Гьюрматул ватангьлийири, гьайгьушнак ккади гьузай!

Махмудбег Казимагомедов.

Жорбежор уьлкйириь Цийи йис фици кьайд аплура?

(Цийи 2020-пи йис кьюлан йис ву)

Гьарсаб уьлкейиз Цийи йис кьаршуламыш апбан рьяк'ан чпин аьдатар, кьайдири айдар ву. Машквриз улихьна йигьари думу аьдатарикан улхури, дурар кьивани аплури, наслариз ктитурити шулу. Исихь жорбежор уьлкйириь Цийи йис фици кьайд аплураш ктитурача.



Колумбия

Шагьарин кючйириь кьянццарининди (ликакьнарининди) инсан лицири шулу. Му йирси йис ву. Дугьу чаз алахьдариз шаду, зарафатнан дюшошарикан ктитурити, инсанариз аьлхьбар кьаьри шулу.

Китай

Му уьлкейиь Цийи йис вари дюн'ийихьди сатлиди 1-пи январь кьайд аплура, амма думу йигь машкврин йигь вуди гьисаб аплурадар. Му уьлкейиь чан китайский цийи йисра а. Думу кьюрдун кьюбли ражари цийи ваз улубкуь сабни йигь ин алабхьура. Булагьдин шт'инди ибадатханйириь Буддаини статуири жиклуб клулин серенжем вуди гьисаб аплура. Инсанари чп'инна шид улубзура, гьаци вуйиган дурар шагьриь кьаши палтар алди лицири шулу. Думу йигьан варишварь фионар кархьну, хуларин ракнар, душварь рюгьар удручлван бадали, жуфтди хьаркьу. Стопин чарасуз вуди 8 мандарин дивру. 2015-пи йисан Китайи цийи йис 19-пи февральи улубкьуру. Му йис Марччлин (Цигьран) йис шулу.

Филиппинар

Машкврин йигьандин шадлугьарикан асасуб филиппинцири даттарин женгар тешикл аплб вуди гьисаб аплура. Даттар писи, дурарикан саб ийклайизкьан элегуру. Кючйириь фейерверкар тешикл аплура.

Куба

Ватанпервервал гьамусдизра, гьамусра ва гьюзимбу вахтнара, гьарган сабни йиш'ин алди кунуб ву. Ватанпервервалихьна баяр - шубар сабни нубатнаан жьуван хизандиь вердиш дап1ну ккунду, хьасин мектебдиь, мектебдиланра алдабхьган, жьмяаьтдин арайиь.

Фу к1уру гаф ву "ватанпервер"? Фици вердиш ап1уру ватанпервервалихьна? Жьву фицир вуди ккунду, жарар ватанпервервалихьна вердиш ап1бан бадали? Гьийин йигьан узу ктху шуьбеб йишварьура, баяр шубар ватанпервервалихьна вердиш ап1уз гизаф читинди алабхьура. Жараси фикир гьап1ган, вердиш ап1уз дурар нахшрар вуйин, гьаз вердиш ап1уру? Сулар гизаф шула, жавабарра гизаф тувну ккунду. Хизандиь абийр - бабари фукьан гьапишра, мектебарь фукьан серенжемар гьурхьшра, жьмяаьтдин арайиь аьхьодари фукьан гафар гьапишра, гужназ ватанпервер ап1уз шу ляхин дар. Дурар вари, аьдат бадали аплурайи ич1и гафар ва гьахурайи серенжемар шула. Дюзи фикриан, Ватанди дап1ну ккунду гьаци, вари ватанагьлийири учв ккун ап1рус, даккун ап1уз даршулси. Ихь уьмриан, ухь'инра сасдариин алахьу гьядисийрикан месела хурхьа: гьуншйириди кьор яшлу адийири дуланмиш шул гьахьну. Санур аба гьярисур, тмунур аба жумартур. Гьярис абайиз чяхь хутлар хьашра, хьашькан аьгью гьаьхьундар, хьа жумартур вуйи абайи чав гьар вазли пенсия гьадабгьан, вари

Цийи йис Кубайиь варитланна шадуб ва кьашиб шулу. Му Пачгьарин Йигь ву. Сьятарин аькьрабар 12-дихьна багахь шайиз улихьна варидари жорбежор емкостариь гизаф шид гьязур аплура. Гьаццишваринган думу шид хуларин уч'варигьан уьзру. Му цийи йисаз аку рьяк ккун аплувал ву. Исхан кимбу аьхиримжи дакькьайиь сьятин аькьрабари 12-пи секунддин сес алайиз кубинцири улубкьурайи йисандин гьарсаб ваз хьуркьувалар айиб хьупан бадали 12 т1умут1 иплуз хьуркьну ккунду.

Вьетнам

Цийи йису вьетнамцир цин багахьна уч аплуру. Цини дурари дюгдикан чпис ккуни хурагар гьязур аплуру. Сабив'ина уч гьахьдари, гизаф дюшошариь дурар багахьлуири вуди шулу, сари-сариз жьугьийин гьарин цирклар пешке аплуру.

Болгария

Цийи йисандин йишну гьаццишваринган вари Болгарийиь 3 дакькьайиь акв ктубшувуру. Хьасин мучлушна сари-сариз теменйири аплуру. Мучлушну ухдишхьамна арайиь айи аьдатнан сир пакди уьхьюру. Мидланна гьайри Болгарийиин гьарсаб хизандиь машквриз тьялукь вуди уьлра уьжур ва дидиь кепек гьитлибкьуру. Чахьна туву члукнягь кепек гьибихьу кас варитланна бахтлур шулу.

Япония

Аьдат вуди му уьлкейиь курантари цийи йисандин йишну 108 ражари сес аплуру. Бицидари вари шейвар цийидар алахьуру. Гьарсар бицирин марфкнин кланак соьгьорчйири леле йивурайи шиклар кайи парусник жиниди ккивну шулу. Думу парусниди вари йисан арайиь бахт хурайивал гьисаб аплура.

Италия

Цийи йис Италияйиь инсанари чиб лазим дару шейварихьан аьдат аплу вахт ву. Дурари чпин уч'варинан йирси духьнайи вари шейвар гатахьуру. Йирси утир, бедрийири, стулар, жорбежор бытовой техника уч'варинан «тирхуру». Уьмрин юлдшари сари-сариз уьру ранган палтар пешке аплуру. Хьа гьачининган вари, йисандин вахтна чиб бахтнахьди тьямин апбан мураднинди, булагьдин шид хуз гьаьгьуру.

Греция

Грецияйиьра Цийи йисаз тьялукь вуйи чан аьдатар а. Хулан эсийи бегьем духьнайи нар кючийи чан хулан цаликан йивуру. Эгер нарин ццилар вари терефаризди гьитирхьш ужу ву, яни хулаз гизаф бахтар шулу.

Гьязур гьанлур - Р. Балабеков.

Вердиш аплуз читин шула

хутлариз чяхьна дих дап1ну, гьаруриз варж манат туври гьахьну. Фуну хутлариз аба ккун шулу? Гьадивай гьар пенсия гьадабгьан, варж манат тувру аба хутлариз даккун шул! Шилхьан гуж ап1уз шулу гьадму аба даккун ап1уз? Гьич сарихьанра. Хьа фуну хутлариз ккун шулу, чпи хьашькан аьгьдру аба? Саризкьан ккун шулдар. Гьаму месала теуврхьа гьви ухьу макьалайи ачухь аплурайи мнайихьди.

Дуланмиш шпан бадали манаткьан хулаз дьаргьорайи абийр - бабарихьан чпин баяр - шубар ватанпервервалихьна ведиш ап1уз шулин? Миржир кас айи хизан 15 агьзуриинди, вазлиан вазлиз, гашлу дийрихди адагьурайи касдихьан веледар ватанпервервалихьна ведиш ап1уз шулин? Му суалари жаваб жикьиб шулу. Ваь.

Ватан ккун ап1бан бадали, гуж ап1уз шул мутму дар. Му пичрак ккипну дубжну ккадабгьурайи уьл дар. Мектебдин сану раккнаринди уч1вну тмуну раккнаринди удуч1вган, ватанпервер шуладар. Баяр - шубарикан ватанпервер ап1бан бадали, мялим учв ватанпервер вуди ккунду. Хьа 10 агьзур манат вазли гьадабгьурайи мялимди ватанпервер вуза гьапну к1ури, хьугьуз шулин? Учвхьан шулуш хьугьый.

Кюгьне вахтариси дарди, гьамуз инсанариз вари Российин халкьар фициб тафавутвал ади дуланмиш шулаз аьгьа. Варидиз аьгьа, ихь Ватандин меркез вуйи Москвайиь дуснайи

министрари, депутатари, жара жорейин гьакимари, губернаторари вазли гьадабгьурайи маважиб фукьануб вуш. Варидиз аьгьа, Российин вузариь туврайи аьгьювалар гьяспик ккадарди, дурарин баяр - шубари жара государтвийири урхурайиь. Вазли миллионер гьадабгьурашра, Российин удуч1вну душну, дурарин баяр - шубар жара государтвийири дуланмиш шула.

Гьаз? Гьамцдар дюшошар рьякьюрайиган гьюзимбу наслар ватанпервервалихьна вердиш ап1уз гизаф читинди алабхьура.

Ухьу баяр - шубарихьди гьахурайи серенжемар, ап1урайи гафар, гьаци программийи айивализ дилигну, аьдат бадали гьахурайидарси шула. Гьубху серенжем ккудук1балан кьяляхь, гьап1у гафарра к1ваьлан гьаьгьора. Бицидари, ватанпервервалихьна, аьхьодари вердиш дап1ну ккундайидар ву. Аьхьодарихьан, ихь Ватан хьтип1урайи коррупция гьаькьан, баяр - шубар вердиш ап1бакан гафар ап1уз шуладар, мелз жикьи шула.

Фукьан вахтназ ихь девир ч1ур ап1урайи, дерккуз даршулайи тьрс ляхнар гьузурш, аьгьдархьуз. Марцци к1ваан пуз ккундузу! Гьич саркьан ухьу Ватан даккун ап1ру агьларикан дарихьри. Ихьубсиб, чан халкь ккуни Ватан, сарун ихь дюн'ийиь адар к1уру йигьар ухди рьякьу агьларикан ишри.

Махмудбег Казимгомеодов.

УЧРЕДИТЕЛЬ:
администрация
муниципального
образования «Хивский
район».
Ответственный за выпуск
- Р.К. Балабеков.
Главный редактор -
А.А. Агадашев.

Газета зарегистрирована
Управлением Федеральной
службы по надзору в сфере
связи, информационных тех-
нологий и массовых коммуни-
каций по Республике
Дагестан. Регистрационный
номер ПИ №ТУ05-00313 от
12 мая 2015г.

Авторы несут ответствен-
ность за достоверность
представленных для публи-
кации материалов
Ручкописи не рецензируются и
не возвращаются
Индекс газеты: 51374
Тел: 8-909-483-20-27

Газета набрана и сверстана на
компьютерной базе МБУ «Пресс-
центр МО «Хивский район» и
отпечатана в типографии № 3. 2.
Дербента Республики Дагестан,
ул.С.Курбанова, 25.

12+

Адрес редакции и издателя: 368680,
Хивский район, сел. Хив, ул. Советская,
8, МБУ «Пресс-центр МО «Хивский
район».
Срок подписания в печать -
30.12.2019г.-17:00 ч.
Подписано в печать -
30.12.2019г.-14:15 ч..
Тираж 370
Заказ №